

He Ngohe Aromatawai ā-Roto Mo ngā mahi whakamahere anake

Te Ingoa o te Ngohe: Te whakapūhoi i a Tama-nui-te-rā

Aronga: Hangarau 1.1C

Paerewa Paetae: Hangarau 1.1

Kaupae: 1

Whiwhinga: 4

He Tohutohu mā te Ākonga

I tēnei ngohe

Ka torohia te kōrero tuku iho mō Māui me tana whakapūhoi i a Tama-nui-te-rā me te kimi i ētahi āhuetanga hangarau taketake hei tūhurahura māu.

Te horopaki

Ko tāu mahi he tūhura i tētahi hangarau taketake e mau ana ki te kōrero tuku iho mō Māui me tana whakapūhoi i a Tama-nui-te-rā.

Me whakaatu ō mahi tūhura mā roto mai i tētahi o ngā putanga e rārangi mai nei (whiriwhiria tētahi):

1. He pūrākau, he whakaari rānei
2. He whakakitenga momotu, whakakitenga matihiko rānei
3. He titonga

Ka aromatawaingia ngā mōhiohia kua kohikohia e whakamārama ana i te hangarau taketake.

Ka pai tēnei ngohe mā te ākonga takitahi, mā te rōpū rānei. Mēnā ka mahi ā-rōpū, me āta whakarite e te rōpū ngā kawenga a tēnā, a tēnā.

Hei mahi

1. Tūhuratia te hangarau taketake ka rangahaua i te kōrero mō Māui me tana whakapūhoi i a Tama-nui-te-rā.
2. Whakaritea tō tukanga rangahau.
3. Whakatauhia ngā pātai ārahi i tō rangahau.
4. Whakatakotoria tētahi whakamāramatanga o te hangarau taketake.
5. Whakaaturia ō hua rangahau mā roto mai i tētahi o ngā putanga e rārangi mai nei (whiriwhiria tētahi):
 - Te pūrākau

He ngohe aromatawai ā-roto XXXXXX v1 mō te Paerewa Paetae XXXX
TĀ TE ĀKONGA WHĀRANGI

- Te whakakitenga
- Te titonga
- Mauhangatia ō kohikohinga katoa hei taunaki i āu mahi.

Kei wareware, me āta whakarite e kōrua/koutou ko te kaiako te roa o te wā e tutuki pai ai ngā mahi katoa.

Kuputaka

kōpaki matihiko	digital portfolio
kōpaki tānga pepa	hard-copy portfolio
whaikiko	substantial
whakapūhoi	to slow, slow down